

Moliyaviy investitsiyalarni sotish va o'tkazish

22. Investitsiyalarni sotishda sotishdan olingan tushum bilan balans qiymati o'rtasidagi farq tegishli xarajatlarni (broker yoki diler xizmati haqi) chiqarib tashlangandan so'ng daromad yoki xarajat sifatida tan olinadi.

Agar qisqa muddatli moliyaviy investitsiyalar balansda portifel usuli bo'yicha xarid qiymati yoki bozor qiymatidan iborat ikki qiymatning eng pasti bo'yicha hisobga olingan bo'lsa, ularni sotishda daromad yoki zarar realizasiya narxi bilan xarid narxi o'rtasidagi farq sifatida aniqlanadi.

Agar investisiya ilgari qayta baholangan yoki bozor qiymati bo'yicha hisobga olingan, balans qiymati esa qo'shimcha baholash qiymatini hisobga olgan holda ko'paytirilgan bo'lsa, xo'jalik yurituvchi sub'yekt hisob siyosatini tasdiqlashi yoki qo'shimcha baholashni qoldiq summasini daromad schyotiga kreditlashi yoxud uni taqsimlanmagan foyda hisobiga o'tkazishi kerak. Bu hisob siyosati [3-sonli BHMS](#) «Moliyaviy natijalar to'g'risida hisobot»ga muvofiq qo'llanilishi kerak.

23. Agar qisqa muddatli moliyaviy investitsiyalar ikki qiymatning: xarid qiymati bilan bozor qiymatining eng kichigi bo'yicha hisobga olinadigan bo'lsa, uzoq muddatli moliyaviy investitsiyalarni qisqa muddatli (joriy) investitsiyalarga o'tkazish ham ikki qiymat: xarid qiymati bilan balans qiymatining eng kichigi bo'yicha amalga oshiriladi.

24. Agar uzoq muddatli moliyaviy investitsiyalar ilgari qayta baholangan bo'lsa, ularni qisqa muddatli (joriy) investitsiyalar toifasiga o'tkazishda va bu qisqa

muddatli (joriy) moliyaviy investisiyalar bozor qiymati bo'yicha hisobga olingan bo'lsa, qayta baholash qiymati balans qiymatidan chiqarib tashlanishi kerak.

Agar qisqa muddatli investisiyalar bozor qiymatidagi o'zgarish daromadga kiritiladigan bo'lsa, qo'shimcha baholashning qolgan har qanday miqdori daromadga o'tkazilishi kerak.

25. Qisqa muddatli moliyaviy investisiyalarni uzoq muddatli moliyaviy investisiyalar toifasiga o'tkazish xarid qilish qiymati va bozor qiymatidan eng kichigi bo'yicha yoki bozor qiymati bo'yicha, agar investisiya ilgari shu qiymat bo'yicha hisobga olingan bo'lsa, amalga oshiriladi.